

## **Meeqqanut tapiissutit pillugit Namminersornerullutik Oqartussat nalunaarutaat nr. 38, 19. december 1996-imeersoq Atuussimasoq (Historisk)**

Meeqqanut tapiissutit pillugit Inatsisartut peqqussutaanni nr. 11,31. oktober 1996-imeersumi § 4, Imm. 3 aamma § 6, Imm. 5 malillugit aalajangersarneqarput:

### **Kapitali 1.**

Isertitarineqartussatut naatsorsuutigisat tunngavigalugit meeqqanut tapiissutit tunniunneqarterannut piumasagaatit

**§ 1.** Isertitat meeqqanut tapiissutit tunniunneqarteranni tunngavigineqartut annertuumik piujuartumillu ikilinissaat naatsorsuutigineqassaaq makkuninnga pisoqartillugu;

1) toqukkut qimaguttoqarterani, averusernermi, avinnermi, uppersarsagaasumilluunniit katissimanngitsut aappariikkunnaarteranni tamakkiisumik ilaannakortumilluunniit isertitat tunniussinnermut tunngavimusimasut naatsorsuutigineqarunnaassapput,

2) inuk, isertitai meeqqanut tapiissutit tunniunneqarteranni tunngavigineqarsimasut, pisortanit pensionisiaqalerpat, imaluunniit taassuma nappaammik, innarluuteqartermik assigisaannilluunniit pissuteqarluni sulisinnaajunnaarnini uppersarsarpagu, imaluunniit

3) inuk, isertitai meeqqanut tapiissutit tunniunneqarteranni tunngavigineqarsimasut, tapiiffigineqarsinnaasumik ilinniagaqalerpat ilinniagaqaqqippalluunniit qaammatinit arfinilinnit sivilisunerusumik.

Imm. 2. Suliffissaaleqineq napparsimallatsiarnerluunniit pissutigalugit isertitat appariarnerat isertitat ataavartumik annertuumillu appariarnerattut isigineqanngillat.

**§ 2.** Ukiumut tapiiffmsussamat isertitassatut naatsorsuutigisat naatsorsorneqarteranni, ukiulluunniit tapiiffmsussap sinneranut isertitassatut naatsorsuutigisat naatsorsorneranni inuup inuilluunniit meeqqanut tapiissutit tunniunneqarteranni isertitaat tunngavigineqartussat tamakkivillugit naatsorsuutigineqassapput, ukiumi tapiiffmsussami inuup akileraarternermut ilanngaatai ilanngaatigalugit.

Imm. 2. Isertitat ilaasa peersimanagerannut uppersarsaammik isumaginninnermut ataatsimiititaliaq piumasaqarsinnaavoq, soorluttaaq piffissaq taanna isertitat annertussusiannut uppersarsaammik piumasaqartoqarsinnaasoq, kiisalu akileraarternermi ilanngaatip annertussusianut.

**§ 3.** Isertitassatut A-tut naatsorsuutigisat naatsorsorneranni piffissaq taanna isertitat A-t tamarmik naatsorsuutigineqassapput, ukiumut isertitanngorlugit naatsorsukkat.

Imm. 2. Ukiumi tapiiffiusussami isertitassatut B-tut naatsorsuutigisat naatsorsorneqarteranni isertitanik naatsorsuiffiusumi ukiumi kingullernii B-itut isertitat tunngavigineqassapput, taamaassanngilarli inuup B-inik isertitaqarsimasup uppersarsarsinnaappagu nammineerluni isertitarigini tassaasullu § 1 -imi taaneqartut pissutigalugit atuukkunnaarsimasut annertuumilluunniit

ikileriarsimasut. Taama pisoqartillugu inuup B-itut isertitassatut naatsorsuutigisai naatsorsorneqassapput piffissaq taanna B-itut isertitarisimasaanit ukiumut isertitanngorlugit naatsorsukkanit.

## **Kapitali 2.**

Meeqqanut tapiissutit tunnhmneqariernerat il.il.

§ 4. Meeqqanut tapiissutit qanoq tunniuneqartarmssaat isumaginnimiermut ataatsimiititaliap aalajangertassavaa, piumasarisimiaallugulu tapiissutinik tiguisussap aningaaserivimmi assigisaaniluunniit tapiissutit ilineqarfigisinnaasaannik kontomik nalunaaruteqartoqarnissaa.

§ 5. Kommumini tunniussiviusussami isumaginninnermut ataatsimiititaliaq aalajangersinnaavoq meeqqanut tapiissutit ilaat meeqqanut 15-it sinnerlugit ukioqartunut skolehjemmini assigisaaniluunniit najugaqartunut toqqaannartumik tunniutissallugit. Taamaallaat meeqqap atisassarsiniutissaanut kaasarfimmiusaanullu meeqqamut aningaasannorlugit toqqaannartumik tunniussisoqarsinnaavoq.

§ 6. Isumaginninnermut Ataatsimiititaliaq isumaqarpat, inuup tapiissutinik tiguisinnaatitaasup tapiissutit meeqqamut iluaqutaasussamik aqussinnaangikkai, ataatsimiititaliaq meeqqanut tapiissutit pisortanit aqunneqarnissaannik imaluunniit tapiissutit ilaasa nioqutissanngorlugit tunniunneqarnissaannik aalajangersinnaavoq. Meeqqap pilersornerani aningaasartuutit suut tapiissutinit matussuserneqassanersut pillugit takussutissiortoqassaaq. Tunniussinerit nioqutissanik pisissutissanngornissaat (rekvisition) piumaneqarneruvoq. Aningaasat amerlanngitsut, immaqa naafferartumik, tapiissutinik tiguisinnaatitaasumut aningaa-sannorlugittunniunneqartarsinnaapput.

Imm. 2. Meeqqanut tapiissutit ilaasa meeqqamut tunniunneqarnissaannik isumaginninnermut ataatsimiititaliaq aalajangerpat meeqqap pilersornissaanut aningaasartuutit suut tapiissutinik matussuserneqassanersut pillugit takussutissiortoqassaaq, aamma aningaasat qanoq amerlatiginissaannik.

Imm. 3. Meeqqanut tapiissutit ilaasa meeqqamut tunniunneqarnissaannik isumaginninnermut ataatsimiititaliaq aalajangerpat ilanngullugu ataatsimiititaliaq aalajangersinnaavoq meeqqanut tapiissutinit sinneruttut pisortanit aqunneqassasut.

Imm. 4. Imm. 1-2-imi aningaasartuutissanut takussutissat taaneqartut sapinngisaaq tamakkerlugu meeqqanut tapiissutisisinnaatitaasoq suleqatigalugu suliarineqassapput.

## **Kapitali 3.**

Atortuulersitsineq.

§ 7. Nalunaarut manna 1. januar 1997 atortuulersinneqarpoq.

Imm. 2. Peqatigitillugu Meeqqanut tapiissutit pillugit Namminersornerullutik Oqartussat nalunaarutaat nr. 6, 17. februar 1987-imeersoq atorunnaarsinneqarpoq.

*Namminersornerullutik Oqartussat, ulloq 19. december 1996*

Daniel Skifte

/

Benedikte Thorsteinsson